

經
傳
釋
詞

經傳釋詞第五

高郵王引之

孔

爾雅曰孔甚也書禹貢九江孔殷史記夏本紀作甚中

今

孫炎注爾雅釋詁曰卽猶今也故今亦可訓爲卽書召

誥曰其丕能誠于小民今休又曰王厥有成命治民今

休皆謂卽致太平之美也

某氏傳釋上今休爲成今之美下今休爲治民今獲太平

之美皆失之

呂氏春秋驕恣篇曰齊宣王爲大室三年而未

能成春居諫王王曰寡人請今止之秦策曰臣今見王

獨立於廟朝矣趙策曰君因言王而重責之晉之卿今折矣魏策曰樓公將入矣臣今從韓策曰十日之內數萬之眾今涉魏境燕策曰天下必以王爲能市馬馬今至矣史記項羽紀曰吾屬今爲之虜矣鄭世家曰晉兵今至矣五子胥傳曰不來今殺奢也今字竝與卽同義今指事之詞也考工記斲人曰今夫大車之轅鑿墨子兼愛篇曰今若夫攻城野戰殺身而爲名禮記三年問曰今是大易獸晉語今君之所聞也猶言是君之所聞也宣十五年公羊傳是何子之情也韓詩外傳是作今皆指事之詞

家大人曰今猶若也禮記曾子問曰下塲土周葬于園
遂與機而往塗邇故也今墓遠則其葬也如之何今墓
遠若墓遠也管子法法篇曰君不私國臣不誣能正民
之經也今以誣能之臣事私國之君而能濟功名者古
今無之今以若以也

羌

廣雅曰羌乃也楚辭離騷曰眾皆競進以貪婪兮憑不
厭乎求索羌內恕己以量人兮各興心而嫉妬是也字
或作慶漢書楊雄傳懿神龍之淵潛兮慶族雲而將舉
今本作族慶雲乃後人所改詳見讀書雜誌張晏曰慶辭也今本在下文慶
天頓而喪榮何

下亦後人所移蕭該音義曰慶音羌王注離騷曰羌楚人語辭也猶言卿何爲也義亦相近

愁

愁且也哀十六年左傳旻天不弔不愁遺一老俾屏予

一人以枉位杜注曰愁且也

王肅注家語終記篇同

應劭注漢書

五行志曰愁且辭也言旻天不善於魯不且遺一老使屏蔽我一人也昭二十八年傳祁盈之臣曰鈞將皆外愁使吾君聞勝與臧之外也以爲快愁亦且也言鈞之將外且使吾君聞勝臧之外而快意也杜以愁爲發語之音於文義未協

言

言云也語詞也活言之言謂之云語詞之云

見云亦謂字下

亦謂

之言若詩葛覃之言告師氏言告言黻采芣之薄言采

之

薄言皆語詞後凡稱薄言者放此

漢廣之言刈其楚草蟲之言采其

族

後凡稱言宋者放此

柏舟之靜言思之終風之寤言不寐願言

則嚏簡兮之公言錫爵泉水之還車言邁駕言出遊

後凡

稱駕言者放此

二子乘舟之願言思子定之方中之星言夙駕

載馳之言至于漕氓之言既遂矣伯兮之言樹之背女

曰雞鳴之弋言加之小戎之言念君子七月之言私其

羶彤弓之受言藏之庭燎之言觀其旅

後凡稱言觀者放此

黃鳥

之言旋言歸我行其野之言就爾居言歸斯復大東之

瞻言顧之

荀子君坐篇引作瞻然易與然皆語詞則言亦語詞

小明

之興言出宿楚茨之言拙其棘備言燕私都人士之言

從之邁采綠之言報其弓瓠葉之酌言嘗之文王之永

言配命

後凡稱永言者放此

抑之言緝之絲言示之事桑柔之瞻

言百里有客之言授之縶有騷之醉言舞及左傳倍九

年之既盟之後言歸于好易繫辭傳之德言盛禮言恭

謂君子勞謙德盛禮恭也言語詞

皆與語詞之云同義而毛鄭釋詩悉

用爾雅言我也之訓或解為言語之言揆之文義多所

未安則施之不得其當也

宜 儀 義

家大人曰宜猶始也成二年左傳曰宜將竊妻以逃者也六年傳曰不安其位宜不能久孟子公孫丑篇曰宜與夫禮若不相似然滕文公篇曰不見諸侯宜若小然又曰枉尺而直尋宜若可爲也離婁篇曰宜若無罪焉盡心篇曰宜若登天然齊策曰救趙之務宜若奉漏甕沃焦釜宜字竝與始同義

宜助語詞也詩螽斯曰螽斯羽詵詵兮宜爾子孫振振兮宜爾子孫爾子孫也言螽斯羽則詵詵然矣爾子孫則振振然矣故序曰言若螽斯不如忌則子孫衆多也

箋云宜女之子孫使其無不仁厚失之

小宛曰哀我填寡宜岸宜獄宜岸

岸也宜獄獄也言我窮盡寡財之人乃有此訟獄之事

也

箋云仍得日宜正義云在上謂之宜有此訟宜有此獄皆失之

字通作儀詩烝民曰

人亦有言德輶如毛民鮮克舉之我儀圖之維仲山甫

舉之儀助語詞儀圖之圖之也

傳訓儀為宜箋及表記注訓儀為匹文義皆未

安又通作義書大誥曰義爾邦君越爾多士尹氏御事

綏予曰無愆于恤不可不成乃寧考圖功義助語詞言

爾邦君及爾多士尹氏御事當安勉我也猶上文言爾

庶邦君越庶士御事矣漢書翟方進傳作予義彼國君

義上加予字則已不知其為語助某氏傳解為施義於

汝眾國君臣上下至御治事者而文益贅設經言義不言施義也

可

可猶所也禮記中庸體物而不可遺鄭注曰體猶生也易乾文言君子體仁足以長人鄭注體可猶所也不有生也見文選陸機贈顧交趾公真詩注可猶所也不有所遺言萬物無不以鬼神之氣生也家大人曰不無也詭見不字下萬物皆生於鬼神是鬼神生物而無所遺也又曰大戴禮武王踐阼篇席前右端之銘曰無行可悔可所也前有所悔後不復行故曰無行所悔說苑敬慎篇作無行所悔是其證也又曰賈子諭誠篇人謂豫讓曰

子不舛中行而反事其讎何無可恥之甚也言無所恥之甚也史記萬石君傳衛綰自初官以至丞相終無可言言始終一無所言也後漢書竇憲傳燕然山銘茲所謂一勞而久逸暫費而永寧者也文選所作可與所同義故可得訓爲所所亦得訓爲可互見所字下

幾

幾詞也易屯六三君子幾不如舍王注幾辭也正義曰幾爲語辭不爲義也釋文幾徐音祈周語曰其無乃廢先王之訓而王幾頓乎幾詞也頓猶廢也言荒服者王先王之訓也今犬戎氏以其職來王而天子以不享征之是廢先王之訓而荒服來王之禮將從此廢矣故下文遂云自是荒服者不至也韋注訓幾爲危頓

為敗，則是以王為穆王矣。下文穆王得狼鹿以歸，未嘗危敗也。章說失之。莊子徐無鬼篇曰：君雖為仁義，幾且偽哉。又曰：非我與吾子之罪，幾天與之也。列子仲尼篇曰：吾見子之心矣，方寸之地虛矣。幾聖人也。荀子賦篇曰：聖人其手時幾將矣。楊倞注：幾辭也。幾其也。易小畜上九曰：月幾望，集解引虞注曰：幾其也。

祈

祈猶是也。禮記緇衣引君雅曰：資冬祈寒。鄭注曰：祈之

言是也齊而偏之語也

豈 幾

豈詞之安也焉也曾也

見廣韻

常語也字或作幾莊子人

閒世篇曰不爲社者且幾有窮乎

家大人曰幾讀爲豈言雖不爲社亦豈有

窮伐之害乎郭象訓幾爲近失之

荀子榮辱篇曰是其爲相縣也幾直

夫芻豢稻粱之縣糟糠爾哉

楊倞注幾讀爲豈下同

又曰幾不甚

善矣哉大略篇曰利夫秋豪害靡國家然且爲之幾爲

知計哉韓子姦劫弑臣篇曰處非道之位被眾口之譖

溺於當世之言而欲當嚴天子而求安幾不亦難哉

豈猶其也禮記曾子問曰咎者史佚有子而外下殤也

墓遠召公謂之曰何以不棺斂於宮中史佚曰吾敢乎哉召公言於周公周公曰豈不可家大人口豈不可其是豈於禮不可不許也釋文正義吳語曰大王豈辱哉皆以豈爲一句不可爲一句大誤孟子滕文公篇曰墨之治魯也以薄爲其道也夷子思以易天下豈以爲非是而不貴也家大人曰豈以爲同夷子以薄葬之道爲貴非其道則不貴之矣故曰非是而不貴是字正指薄葬而言言夷子思以薄葬之道易天下其以爲非此則不貴邪然則厚葬者夷子之所不貴而夷子乃厚葬其親則是所以所不貴者事親也故下文曰然而夷子葬其親厚則是所以所賤事親也趙注曰夷子豈肯以薄爲非是而不貴之也於語意未合莊子外物篇曰君豈有斗升之水而活我哉秦策曰子常宣言代我相秦豈有此乎齊策曰君豈受楚象牀哉

燕策曰將軍豈有意乎史記范雎傳曰孺子豈有客習
於相君者哉魏公子傳曰我豈有所失哉李斯傳曰丞
相豈少我哉豈固我哉字或作幾莊子徐無鬼篇曰非
我與吾子之罪幾天與之也史記黥布傳曰人相我當
刑而王幾是乎

徐廣曰幾一作豈

蓋

蓋者大略之詞孝經蓋天子之孝也孔傳曰蓋者辜較
之辭辜較猶大略也常語也

蓋疑詞也亦常語也禮記檀弓有子蓋既祥而絲屨組
纓正義曰蓋是疑辭

蓋語助也漢書禮樂志郊祀歌神夕奄虞蓋孔享顏師
古注曰蓋語辭也

厥

爾雅曰厥其也常語

厥猶之也書無逸曰自時厥後立王生則逸生則逸又
曰自時厥後亦罔或克壽皆謂自是之後也又曰此厥
不聽人乃訓之又曰此厥不聽人乃或譟張爲幻皆謂
此之不聽也

厥語助也書多士曰誕淫厥泆言誕淫泆也立政曰文
王惟克厥宅心乃克立茲常事司牧人言文王惟克宅

心也

及

爾雅曰及與也常語

家大人曰及猶若也禮樂記曰樂極則憂禮粗則偏矣

及夫敦樂而無憂禮備而不偏者其唯大聖乎及夫若

夫也又曰及夫禮樂之極乎天而蟠乎地行乎陰陽而

通乎鬼神

上文曰若夫禮樂之施於金石越於聲音用於宗廟社稷事乎山川鬼神祭法曰

及夫日月星辰民所瞻仰也山林川谷邱陵民所取財

用也中庸曰今夫天斯昭昭之多及其無窮也日月星

辰繫焉萬物覆焉及其若其也

言自其一處言之則唯此昭昭之多若自其無

窮言之則日月星辰萬物皆在其中下文及其廣厚及其廣大及其不測竝同此意非謂天地山川之大止於積累管子大匡篇曰臣聞齊君惕而亟驕雖得賢必能用之乎及齊君之能用之也管子之事濟也言若齊君能用之則管子之事必濟也尹知章注及猶就也非是老子曰吾所以有大患者爲吾有身及吾無身吾有何患言若吾無身也又曰取天下常以無事及其有事不足以取天下言若其有事也及與若同義故及可訓爲若若亦可訓爲及互見若若字下

其

其指事之詞也常語也

其狀事之詞也。有先言事而後言其狀者。若擊鼓其鏜
雨雪其雰。零雨其濛之屬是也。有先言其狀而後言其
事者。若灼灼其華。殷其雷。淒其以風之屬是也。

其擬議之詞也。易困彖傳曰。困而不失其所亨。其唯君
子乎。乾文言曰。其唯聖人乎。聘禮曰。君其以賜乎。隱十
一年左傳曰。天其以禮悔禍于許。

其猶殆也。易復彖傳曰。復其見天地之心乎。繫辭傳曰。
知變化之道者。其知神之所爲乎。又曰。易之興也。其於
中古乎。作易者。其有憂患乎。書金縢曰。公曰。懼。王其罔
害。禮記檀弓曰。吾今日其庶幾乎。又曰。將軍文氏之子。

其庶幾乎隱六年左傳曰其陳桓公之謂乎周語曰王室其將卑乎其與始同意故又以其始連文繫辭傳曰顏氏之子其殆庶幾乎是也

其猶將也易石九五曰其亡其亡書皋陶謨曰無曠庶官天工人其代之湯誓曰予其大賚女盤庚曰天其永我命于茲新邑微子曰今殷其淪喪牧誓曰利爾戈比爾干立爾矛予其誓金縢曰惟朕小子其新逆康誥曰其惟天其罰殛我酒誥曰盡執拘以歸于周予其殺召誥曰今天其命哲命吉凶命歷年洛誥曰茲予其明農哉詩蟋蟀曰今我不樂日月其除七月曰其始播百穀

隱十一年左傳曰吾子孫其覆亡之不暇而況能禋祀

許乎

僖七年曰鄭將覆亡之不暇

周語曰其與能幾何論語爲政曰

其何以行之哉

其猶尚也庶幾也書皋陶謨曰帝其念哉盤庚曰其克

從先王之烈金縢曰我其爲王穆卜康誥曰其尚顯聞

于天

其亦尚也古人自有複語耳

酒誥曰其藝黍稷奔走事厥考厥

長召誥曰上下勤恤其曰我受天命丕若有夏歷年式

勿替有殷歷年洛誥曰女其敬識百辟享無逸曰嗣王

其監于茲君奭曰君肆其監于茲立政曰我其克灼知

厥若文侯之命曰惟祖惟父其伊恤朕躬詩伯兮曰其

雨其雨杲杲出日

其猶庶幾也

隱三年左傳曰吾子其無廢

先君之功周語曰王其祗祓監農不易

其猶若也詩小旻曰謀之其臧則具是違謀之不臧則具是依禮記文王世子曰公族其有外罪則磬于甸人其刑罪則纖剝亦告于甸人僖九年左傳曰其濟君之靈也不濟則以死繼之襄二十三年傳申豐對季武子曰其然將具敝車而行三十一年傳曰其輸之則君之府實也非薦陳之不敢輸也其暴露之則恐燥溼之不時而朽蠹以重敝邑之罪

其猶乃也書堯典曰浩浩滔天下民其咨皋陶謨曰撫

于五辰庶績其凝又日以昭受上帝天其申命用休禹

貢曰嶠夷既略濞濞其道又曰淮沂其乂蒙羽其藝湯

誓曰今女其曰夏罪其如台

言今女乃曰夏罪其如何高宗彤日曰乃曰其如台

文與此同古者台與何同義說見台字下

盤庚曰越其罔有黍稷

越其猶云爰乃也

洪範曰使羞其行而邦其昌

言使羞其行而邦乃昌也

又曰女雖錫

之福其作女用咎又曰臣之有作福作威玉食其害于

而家凶于而國又曰是之謂大同身其康彊子孫其逢

逢字絕句下吉字別爲句說見經義述聞

金縢曰爾之許我我其以璧與珪

歸俟爾命爾不許我我乃屏壁與珪

其亦

康誥曰時乃

大明服惟民其勅懋和若有疾惟民其畢棄咎若保赤

予惟民其康乂又曰我時其惟殷先哲王德用康乂民
多士曰予惟時其遷居西爾洛誥曰凡民惟曰不享惟
事其喪侮又曰公勿替刑四方其世享君奭曰在簪上
帝制中勸寧王之德其集大命于厥躬多方曰我惟時
其敎告之我惟時其戰要囚之詩嘒嘒曰朝濟于西崇
朝其雨氓曰桑之落矣其黃而隕蟋蟀曰蟋蟀在堂歲
事其莫聿惟也其猶乃也七月曰八月其穫又曰二之日其同
載纘武功又曰四之日其蚤獻羔祭韭沔水曰我友敬
矣我友敬矣而讒言乃興故讒言其興毛傳曰疾王不能察讒也巷伯曰豈不爾
受既其女遷大東曰杼柚其空賓之初筵曰錫爾純嘏

子孫其湛維清曰假以溢我我其收之烈文曰無封靡
于爾邦維王其崇之念茲戎功繼序其皇之無競維人
四方其順之不顯維德百辟其刑之禮記月令曰五者
備當上帝其饗桓六年左傳曰楚之歲其誘我也莊二
十二年傳曰五世其昌竝于正卿僖五年傳曰火中成
軍虢公其奔宣二年傳曰非馬也其人也周語曰自今
至于初吉陽氣俱蒸土膏其動弗震弗淪脈其滿膏穀
乃不殖又曰營室之中土功其始晉語曰惡田不懲禍
亂其興論語爲政篇曰是亦爲政矣其爲爲政其與乃
同意故又以乃其連文康誥曰乃其乂民又曰乃其連

由文王作罰又曰女乃其速由茲譏率殺君與曰乃其
墜命多方曰我乃其大罰極之晉語曰彼得政而行其
欲得其所索乃其釋君此猶曷何同意而召詰言曷其
奈何弗敬克堪同意而多方言克堪川德維伊同意而
詩類弁言實維伊何也

其猶之也書盤庚曰不其或稽自怒曷謬戾詰曰朕其

弟小子封詩魚麗曰物其多矣維其嘉矣

上其猶之也
下其則指物

之大戴禮保傳曰凡是其屬太師之任也桓六年左傳

曰諸侯之大夫戍齊齊人饋之餼使魯爲其班戍十五

年公羊傳曰爲人後者爲之子又曰爲人後者爲其子

賈子大政篇曰故欲以刑罰慈民辟其猶以鞭狎狗也
雖久弗親矣欲以簡泄得士辟其猶以弧恍鳥也雖久
弗得矣其與之同義故其可訓爲之之亦可訓爲其互
見之字下

其猶寧也易繫辭傳曰妻其可得見邪書盤庚曰若火
之燎于原不可鄉邇其猶可撲滅大誥曰厥考翼其肯
曰子有後弗棄基酒誥曰我其可不大監撫于時多士
曰我其敢求位僭五年左傳曰一之謂甚其可再乎十
年傳曰欲加之罪其無辭乎

其更端之詞也易无妄彖辭曰无妄元亨利貞其匪正

有書無逸曰其在高宗其在祖甲

其語助也易小畜初九曰復自道何其咎書大誥曰予

曷其不于前寧人圖功攸終康誥曰未其有若女封之

心召誥曰不其延洛誥曰敘弗其絕呂刑曰其今爾何

懲上文曰今爾何監衆誓曰馬牛其風詩君子于役曰曷其有

恬上文曰曷其有所楊之水曰云何其憂正月

日終其永懷終猶既也說苑柳曰于何其臻僖十五年

左傳曰以德爲怨秦不其然晉語曰多而驟立不其集

亡其字皆爲語助無意義也

其諸亦擬議之詞也桓六年公羊傳其諸以病桓與何

注曰其諸辭也論語學而篇曰其諸異乎人之求之與

其音

記 忌 己 迺

其語助也或作記或作忌或作己或作迺義並同也詩

楊之水曰彼其之子箋曰其或作記或作己讀聲相似

又羔裘彼其之子襄二十七年左傳及晏子雜篇並作

己候人彼其之子表記作記

釋文唐石經及各本倍二並同監本改作其非

十四年左傳及晉語並作己文十四年左傳齊公子元

不順懿公之為政也終不曰公曰夫己氏杜解補正曰

夫己氏猶言彼己之子

夫猶彼也說見夫字下注詩大疏賓己為甲己之己非是

叔于田曰叔善射忌傳曰忌辭也箋曰忌讀如彼己之

子之已崧高曰往近王舅箋曰近辭也聲如彼記之子
之記毛居正六經正誤以近為近之譌說文近讀與記同

其音
期居

其問詞之助也或作期或作居義竝同也書微子曰子

顛隤若之何其鄭注曰其語助也齊魯之閒聲如姬見史

記宋世家集解詩園有桃曰彼人是哉子曰何其傳曰夫人謂我欲何為乎

庭燎曰夜如何其頍弁曰實維何期箋曰期辭也釋文本亦

作其禮記檀弓曰何居我未之前聞也鄭注曰居讀如姬

姓之姬齊魯之閒語助也又曰吾許其大而不許其細

何居郊特牲曰二日伐鼓何居成二年左傳曰誰居後

之人必有任是夫襄二十三年傳曰誰居其孟椒乎杜

居猶與也莊子齊物論篇曰何居乎案居猶乎也居下不當

衍釋文出何居二字無乎字形固可使如槁木而心固可使如死灰

乎

居

居詞也易繫辭傳曰噫亦要存亡吉凶則居可知矣鄭

王注竝曰居辭也詩柏舟曰日居月諸正義曰居諸者

語助也故日月傳曰日乎月乎不言居諸也十月之交

曰擇有車馬以居徂向居語助言擇有車馬以徂向也

箋曰擇民之富有車馬者以往居于生民曰其香始升向先言徂而後言居未免倒置經文

上帝居歆居亦語助上帝居歆上帝歆也箋曰上帝則安而歆饗之

於義未安禮記郊特牲曰以鍾次之以和居參之也居亦語

助居參之參之也鄭注以金參居庭實之明亦未安

詎五連 距 鉅 互 渠 逮

廣韻曰詎登也字或作距或作鉅或作互或作渠或作

邊漢書高祖紀曰沛公不先破關中公巨能入乎史記

項羽紀作公豈敢入乎孫寶傳曰掾部渠有其人乎顏注

渠讀曰詎詎登也詎與豈同義故或以豈詎連文吳語曰此志

也豈遽忘於諸侯之耳乎呂氏春秋具備篇曰豈遽必

哉荀子王制篇曰豈渠得免夫累乎正論篇曰是豈鉅

知見侮之爲不辱哉墨子公孟篇曰雖子不得福吾言

何遠不善而鬼神何遠不明淮南人閒篇曰此何遠不

能爲福乎史記鄭世家曰往何遠必辱陸賈傳曰使我

居中國何渠不若漢

漢書作何遷家大人曰遠亦何也連言何遠者古人自有複語耳顏

師古以遠爲迫促失之

莊子齊物論篇曰庸詎知吾所謂知之非

不知邪庸詎知吾所謂不知之非知邪

徐邈本詎作正家大人曰庸詎

皆何也李頤曰庸用也詎何也庸詎猶言何用失之大宗師篇曰庸詎知吾所謂

天之非人乎所謂人之非天乎楚辭哀時命曰庸詎知

其吉凶淮南齊俗篇曰庸遽知世之所自窺我者乎韓

子難四曰衛奚距然哉秦策曰君其試以奚遽叱也史

記張儀傳曰且蘇君在儀寧渠能乎

索隱曰渠音詎或古字少假借耳

言豈遽或言何遽或言奚遽或言庸詎或言寧渠其義

一而已矣

詎猶苟也晉語曰且唯聖人能無外患又無內憂詎非

聖人必偏而後可

今本詎作距此從宋明道本

又曰詎非聖人不有

外患必有內憂皆謂苟非聖人也成十六年左傳作自非聖人意亦同也

固 故 顧

固猶必也桓五年左傳曰蔡衡不枝固將先奔言必將先奔也襄二十七年公羊傳女能固納公平呂氏春秋

任數篇其說固不行秦策王固不能行也何高注竝曰
固必也或作故又作顧秦策曰吳不亡越越故亡吳大
戴禮禮察篇曰先王執此之正堅如金石行此之信順
如四時處此之功無私如天地爾豈顧不用哉史記張
陳餘傳贊曰張耳陳餘始居約時相然信以外豈顧問
哉豈顧豈必也索隱曰謂然
諾相信雖外不顧非是

固猶乃也孟子萬章篇曰仁人固如是乎或作故又作
顧趙策曰雖強大不能得之於小弱而小弱顧能得之
於強大乎呂氏春秋制樂篇曰我必有罪故天以此罰
我也今故與事動眾以增園城是重吾罪也下故字與
乃同義

審己篇曰臣以王爲已知之矣王故尚未之知耶齊策
田單謂貂勃曰單何以得罪於先生故常見惡於朝故
與乃同義故或以故乃連文莊子徐無鬼篇曰先生苦
於山林之勞故乃肯見於寡人

故

趙爽注周髀算經曰故者中事之辭常語也

故本然之詞也襄九年左傳曰然故不可誣也或作固
又作顧禮記哀公問曰固民是盡鄭注曰固猶故也呂
氏春秋必己篇曰孟賁過於河先其五船人怒而以楫
撻其頭顧不知其孟賁也

故猶則也墨子天志篇曰當若子之不事父弟之不事

兄臣之不事君也故天下之君子與謂之不祥者

與則舉案

莊子齊物論篇曰有成與虧故昭氏之鼓琴也無成與
虧故昭氏之不鼓琴也故字竝與則同義東周策曰君
必施於今之窮士不必且爲大人者故能得欲矣故能
則能也齊策曰韓魏戰而勝秦則兵半折四境不守戰
而不勝以亡隨其後是故韓魏之所以重與秦戰而輕
爲之臣也是故是則也易豫象傳曰天地以順動故曰
月不過而四時不忒聖人以順動則刑罰清而民服昭
二十一年左傳曰夫火烈民望而畏之故鮮外侮水懦弱

民狎而翫之則多然管子版法解篇曰明主能勝六
攻而立三器則國治不肖之君不能勝六攻而立三器
故國不治故亦則也互文耳

顧

顧猶但也禮記祭統曰是故上有大澤則惠必及下顧
上先下後耳燕策曰吾每念常痛於骨髓顧計不知所
出耳史記越世家曰彼非不愛其弟顧有所不能忍者
也

史記絳侯世家索隱引許慎淮南注曰顧反也秦策曰
今三川周室天下之市朝也而王不爭焉顧爭於戎狄

高注曰顧反也燕策曰子之南面行王事而憎老不聽
政顧爲臣顧與反同義故又以顧反連交齊策曰夫韓
魏之兵未弊而我救之是我代韓受魏之兵顧反聽命
於韓也史記蕭相國世家曰蕭何未嘗有汗馬之勞顧
反居臣等上是也

苟

苟誠也論語里仁篇苟志於仁矣是也常語也

苟且也論語子路篇苟令矣苟完矣苟美矣是也亦常

語

苟猶但也易繫辭傳曰苟錯諸地而可矣藉之白茅何

咎之有言但置諸地而已可矣而必藉之以白茅謹慎
如此復何咎之有乎桓五年左傳曰苟自救也社稷無
隕多矣襄二十八年傳曰小適大苟舍而已焉用墮苟
字竝與但同義

苟猶若也易繫辭傳曰苟非其人道不虛行

苟猶尚也詩君子于役曰君子于役苟無飢渴言尚無
飢渴也襄十八年左傳晉侯伐齊將濟河中行獻子禱
曰苟捷有功無作神羞言尚捷有功也墨子耕柱篇曰
季孫紹與孟伯常治魯國之政不能相信而祝於菽社
曰今本菽誤作禁苟使我和是猶弇其目而祝於菽社
辯見讀書記

曰苟使我皆視豈不繆哉言尚使我和尚使我視也

皋

皋發語之長聲也儀禮士喪禮曰皋某復鄭注曰皋長聲也

經傳釋詞第五

經傳釋詞第六

高郵王引之

乃 𠂔

乃猶於是也書堯典曰乃命羲和是也常語也字或作

𠂔

俗作通爾雅曰𠂔乃也

乃猶然後也書禹貢曰作十有三載乃同是也亦常語

乃猶而也春秋宣八年十月己丑葬我小君頃熊雨不

克葬庚寅日中而克葬定十五年九月丁巳葬我君定

公雨不克葬戊午日下昃乃克葬公羊傳曰而者何難

也乃者何難也

說文乃曳詞之難也曷爲或言而或言乃乃難乎

而也案乃與而對言之則異禮記文王世子曰文王九

十七乃終武王九十三而終是也散言之則通

互見而字下

儀禮燕禮大夫不拜乃飲鄭注曰乃猶而也大戴記夏

小正篇匱之興五日翕望乃伏傳曰而伏云者不知其

歿也故謂之伏而伏卽乃伏也襄七年左傳曰吾乃今

而後知有卜筮乃今而後卽而今而後也

乃急詞也大戴記夏小正篇乃瓜傳曰乃者急瓜之辭

也

乃猶則也易繫辭傳曰見乃謂之象形乃謂之器詩生

民曰曷乃去矣隱三年左傳曰將立州吁乃定之矣皆

是也乃與則同義故書般戾我乃剝殄滅之無遺育哀
十一年左傳作則剝殄無遺育莊二十八年左傳則可
以威民而懼戎晉語則作乃又或以則乃連文書立政
曰謀面用丕訓德則乃宅人是也

乃猶其也書多士曰爾乃尙有爾土爾乃尙寧幹止爾

乃爾其也晉語伯宗問曰乃將若何乃將其將也今本無乃

字乃後人不曉古義而妄刪之據宋明道本補書般戾乃有不吉不迪顛越不

其哀十一年左傳作其有顛越不其乃與其同義故或
以乃其連文互見其字下

乃猶是也成二年左傳衛石稷謂孫良夫日子以眾退

我此乃止言我於此是止也

杜注我于此止無齊師

晏子春秋外

篇公曰吾聞之五子不滿隅一子可滿朝非西子邪西
子是我也莊子德充符篇子產楚然改容更貌曰子無
乃稱猶曰子無稱是言也

乃猶方也裁也莊十年穀梁傳曰乃漢其怨於齊又退
侵宋以眾其敵謂方漢其怨於齊也大戴記保傅篇曰
太子乃生固舉之禮賈子乃作初呂氏春秋義賞篇曰
天下勝者眾矣而霸者乃五高注乃猶裁也義並同
乃猶若也書般庚曰女萬民乃不生生暨予一人猷同
心先后丕降與女罪疾言汝萬民若不生生也洛誥曰

女乃是不殺乃時惟不永哉言汝若是不勉也孟子公孫丑篇曰乃所願則學孔子也莊子盜跖篇曰小人殉財君子殉名其所以變其情易其性則異矣乃至於棄其所爲而殉其所不爲則一也乃字竝與若同義

乃猶且也書大誥曰若考作室既底法厥子乃弗肯堂矧肯構厥父菑厥子乃弗肯播矧肯穫乃字竝與且同義

乃猶寧也襄三十年左傳人謂子產就直助彊子產曰豈爲我徒國之禍難誰知所敝或主彊直難乃不生姑成吾所乃寧也言禍難未知所敝雖或主彊直之人寧

不生難乎唯兩無所主姑成吾所而已也

杜注言能強能直則可耳

難今三家未能伯有方爭於語意未合

寧乃一聲之轉故乃訓爲寧寧亦

訓爲乃互見寧字下

乃異之之詞也書般庚曰女不憂朕心之攸困乃咸大
不宣乃心詩山有扶蘇曰不見子都乃見狂且是也亦
常語也

乃轉語詞也書康誥曰有厥罪小乃不可不殺是也亦
常語

乃如亦轉語詞也詩日月曰乃如之人兮蠶蛭口乃如
之人也

乃若亦轉語詞也墨子兼愛篇曰然而今天下之士君子曰然句乃若兼則善矣孟子離婁篇曰乃若所愛則有之

乃若發語詞也墨子兼愛篇子墨子言曰乃若夫少食惡衣殺身而爲名此天下百姓之所皆難也孟子告子篇孟子曰乃若其情則可以爲善矣

乃發聲也禮記雜記曰祝稱卜葬虞夫曰乃鄭注曰乃某卜葬其妻某氏正義曰乃者言之助也

寧

說文寧願詞也徐鍇曰今人言寧可如此是願如此也

襄二十六年左傳引夏書曰與其殺不辜寧失不經是也常語也

寧猶何也易繫辭傳曰寧用終日是也亦常語

寧猶豈也成二年左傳曰寧不亦淫從其欲以怒叔父是也亦常語

寧猶將也莊子秋水篇曰寧其死爲留骨而貴乎寧其生而曳尾於塗中乎呂氏春秋貴信篇曰君寧死而又死乎其寧生而又生乎趙策下情寧朝久乎寧朝於人也寧字竝與將同義楚辭卜居曰吾寧悵悵款款朴以忠乎將送往勞來斯無窮乎寧亦將也互文耳

寧猶乃也毛鄭詩考正曰四月首章胡寧忍予箋云寧猶曾也案寧猶乃也語之轉下寧莫我有同雲漢首章寧莫我聽寧亦乃也篇內寧丁我躬寧俾我遜胡寧忍予胡寧瘼我以旱竝同家大人曰乃寧曾其義一也日月之寧不我顧小弁之寧莫之知四月之胡寧忍予箋竝曰寧猶曾也又正月之寧莫之懲四月之寧莫我有雲漢之寧莫我聽寧丁我躬寧俾我遜箋內皆以曾代寧曾亦乃也論語先進篇吾以子爲異之間曾由與求之問是也又雲漢之胡寧忍予胡寧瘼我以旱箋內皆以何曾代胡寧何曾何乃也孟子公孫丑篇爾何曾比

予於管仲趙注曰何曾猶何乃是也桑柔曰倬彼昊天

寧不我矜箋曰昊天乃倬然明大而不矜哀下民是箋

亦訓寧爲乃也又正月曰燎之方揚寧或滅之赫赫宗

周褒姒戚之言以燎火之盛而乃有滅之者亦如赫赫

之宗周而乃爲褒姒所滅也箋釋上二句曰燎之方盛之時寧有能滅息之者失

之辭見經義述曰下並同桑柔曰民之貪亂寧爲荼毒言民心貪樂

禍亂乃爲苦毒之行也箋訓寧爲安失之瞻印曰心之憂矣寧

自今矣不自我先不自我後言不自我先不自我後而

乃自今也正義曰天下人心之憂愁所由來久遠寧從今日矣失之禮記內則曰子

婦有勤勞之事雖甚愛之姑縱之而寧數休之言姑縱

使勤勞而乃數數休息之也

正義曰寧可數數休息失之

昭二十二

年左傳寡君聞君有不令之臣為君憂無寧以為宗羞

言無乃以為宗羞也

此無寧與他處言無寧者不同杜注無寧寧也失之賈子禮

篇不用命者寧丁我網史記殷本紀作乃入吾網此皆

古人謂乃為寧之證

寧語助也昭元年左傳曰是委君貺於草莽也是寡大

夫不得列於諸卿也不寧唯是又使圉蒙其先君不寧

唯是不唯是也寧語助耳

正義曰不寧寧也言寧有唯是之事失之

能

能猶而也能與而古聲相近

說見前韻正

故義亦相通詩戎

蘭曰雖則佩觿能不我知能當讀爲而雖則之交正與

而字相應言童子雖則佩觿而實不與我相知也

毛傳曰不

自謂無知以驕慢人也箋曰此幼穉之君雖佩觿與其

才能實不如我眾臣之所知爲也皆未合語意辨見經

義述下章雖則佩觿能不我甲義與此同荀子解蔽篇

爲之無益於成也求之無益於得也憂戚之無益於幾

也則廣易能弃之矣趙策建信君入言於王厚任聶以

事能重貴之能竝與而同管子任法篇是貴能威之富

能祿之賤能事之近能親之美能淫之也下文五能字

皆作而又侈靡篇不欲強能不服智而不牧

能與而同尹知章以

能字絕句不服二

字屬下讀非是晏子春秋外篇入則求君之嗜欲能

順之君怨良臣則具其往失而益之墨子天志篇少而示之黑謂黑多示之黑謂白少能嘗之甘謂甘多嘗之甘謂苦韓詩外傳貴而下賤則累弗惡也富能分貧則窮士弗惡也智而教愚則童蒙者弗惡也崔駰大理箴或有忠能被害或有孝而見殘能亦而也

能猶乃也亦聲相近也家大人曰昭十二年左傳曰中美能黃上美爲元下美則裳能爲則三字相對爲文能者乃也言中美乃黃上美爲元下美則裳也孫子謀攻篇曰故用兵之法十則圍之五則攻之倍則分之敵則能戰少則能守

今本戰守下並衍之字辨見讀書雜誌

不若則能避之言

敵則乃戰、少則乃守、不若則乃避之也。魏策曰：奉陽君約魏、魏王將封其子。謂魏王曰：王嘗身濟漳、朝邯鄲、抱葛薛、陰成以爲趙養邑、而趙無爲王有也。王能又封其子河陽姑宓乎？臣爲王不取也。言王乃又封其子乎？臣爲王不取也。史記淮陰侯傳曰：今韓信兵號數萬、其實不過數千、能千里而襲我、亦以罷極。以與言韓信兵不過數千、乃千里而襲我也。太史公自序佞幸傳曰：非獨色愛能亦各有所長、言非獨以色見愛、乃亦各有所長也。列女傳賢明傳曰：先生以不斜之故、能至於此、言以不斜之故、乃至於此、也能與乃同義、故二字可以互用。

後漢書荀爽傳，鳥則雄者鳴，鳴雌能順服，獸則牡爲唱，導牝乃相從，是也能與乃同義。故又可以通用。淮南人間篇：「此何遽不能爲福乎？」藝文類聚禮部下引：「能作乃。」漢書匈奴傳：「東援海代，南取江淮，然後乃備。」漢紀：「乃作能，是也。」乃與而聲相近，故能訓爲而，又訓爲乃，能與寧一聲之轉，而同訓爲乃。故詩寧或滅之，漢書谷永傳作能，或滅之。宋祁曰：姚本能作寧，案此依毛詩改耳。各本多作寧。今據宋景祐本及王氏詩攷所引訂正。

徒

呂氏春秋異用離俗二篇注並曰：「徒但也常語也。」

徒猶乃也莊子天地篇曰吾聞之夫子事求可功求成
用力少見功多者聖人之道今徒不然言今乃不然也
荀子子道篇子路謂子貢曰吾以夫子爲無所不知夫
子徒有所不知又曰子貢謂子路曰女謂夫子爲有所
不知乎夫子徒無所不知

獨

獨猶寧也豈也禮記樂記曰且女獨未聞牧野之語乎
襄二十六年左傳曰夫獨無族姻乎

獨猶將也宣四年左傳曰棄君之命獨誰受之楚語曰
其獨何力以待之孟子滕文公篇曰一薛居州獨如宋

王何

獨猶孰也何也呂氏春秋必已篇曰孔子行於東野

今本

作孔子行道而息乃後人所改辯見讀書雜誌馬逸食人之稼野人取其馬子

貢請往說之畢辭野人不聽有鄙人始事孔子者請往

說之因謂野人曰子耕東海至於西海吾馬何得不食

子之禾其野人大說相謂曰說亦皆如此其辯也

與邪同

獨如嚮之人解馬而與之高注曰獨猶孰也

柰

柰如也晉語曰柰吾君何

柰何如何也書召誥曰曷其柰何弗敬

柰何或但謂之柰淮南兵略篇曰唯無形者無可柰也
楊雄廷尉箴曰惟虐惟殺人莫予柰柰卽柰何也

那

那者柰之轉也魏志母邱儉傳注載文欽與郭淮書曰
所向全勝要那後無繼何言柰後無繼何也故廣雅曰
柰那也

那者柰何之合聲也宣二年左傳曰棄甲則那杜注那
猶何也日知錄曰直言之曰那長言之曰柰何一也

爾雅曰那於也

於讀如字郭讀爲於乎之於又云那猶
今人言那那也皆非辨見經義述聞

越語曰吳人之那不穀亦又甚焉韋注用爾雅

都

爾雅曰都於也

如於讀

孟子萬章篇曰謨蓋都君咸我績

趙注用爾雅史記司馬相如傳曰揆厥所元終都攸卒
集解引漢書音義與趙注同都諸聲相近故諸訓爲於
都亦訓爲於而孟諸字又作明都也

都歎詞也書堯典驩兜曰都某氏傳曰都於

音烏

嘆美之

辭故皋陶謨皋陶曰都史記夏本紀都作於

當

當猶將也儀禮特牲饋食禮記佐食當事則戶外南面
鄭注曰當事將有事而未至孟子離婁篇曰言人之不

善當如後患何韓子外儲說右篇太公望曰且先王之
所以使其臣民者非爵祿則刑罰也今四者不足以使
之則望當誰爲君乎史記魏公子傳曰公子當何面目
立天下乎又畱侯世家曰橫絕四海當可柰何當字竝
與將同義

當猶則也墨子辭過篇曰君實欲天下之治而惡其亂
也當爲宮室不可不節又曰君實欲天下之治而惡其
亂當爲衣服不可不節又曰君實欲天下之治而惡其
亂當爲食飲不可不節當字竝與則同義

當猶如也墨子明鬼篇曰燕之有社當齊之有社稷宋

之有桑林楚之有雲夢也

僖三十三年左傳鄭之有原圖猶秦之有其國也

儻 黨 當 尚

儻或然之詞也字或作黨或作當或作尚莊子繕性篇

曰物之儻來寄也釋文儻崔本作黨荀子天論篇曰夫

日月之有蝕風雨之不時怪星之黨見

黨見或見也楊注訓黨為頻九

經古義訓為所皆非辭見讀書雜誌

史記淮陰侯傳曰恐其黨不就漢書

伍被傳曰黨可以微幸墨子法儀篇曰然則奚以為治

法而可當皆法其父母奚若又曰黨皆法其君奚若兼

愛篇曰當使若二士者言行之合猶合符節也無言而

不行也

若此也言儻使此二士之言行相合則無言而不行也

非樂篇曰然則當

爲之撞巨鍾擊鳴鼓彈琴瑟吹竽笙而揚于咸民衣倉
之昧將安可得乎安猶於是也又尚賢篇曰尚欲祖述
堯舜禹湯之道將不可以不尚賢黨當尚竝與儻同

始

始者近也

周語鄭語注及呂氏春秋
高義士容二篇注竝同

幾也

禮記檀弓注

將然

之詞也書顧命曰殆弗興弗底

誕

誕發語詞也書大誥曰殷小腆誕敢紀其敎又曰誕鄰
胥伐于厥室君奭曰誕無我責多方曰須臾之子孫誕
作民主詩皇矣曰誕先登于岸生民曰誕彌厥月誕寘

之隘巷誕實徧卽誕后稷之穉誕降嘉種誕我祀如何
諸誕字皆發語詞說者用爾雅誕大也之訓則詰繯爲
病矣

誕句中助詞也書大誥曰肆朕誕以爾東征是也說者
訓爲大亦失之

迪

迪詞之用也

書牧誓昏棄厥遺王父母弟不迪史記周

詞之用義

相因也書皋陶謨曰咸建五長各迪有功言各用有

功也大誥曰亦惟十人迪知上帝命言惟此十人用知

上帝命也

王肅曰民十

夫用知天命康誥曰今惟民不靜未戾厥心

迪屢未同多方日爾乃迪屢不靜亦謂用屢未同用屢
不靜也酒誥曰在簪殷先哲王迪畏天顯小民言用畏
天顯小民也無逸曰自殷王中宗及高宗及祖甲及我
周文王茲四人迪哲言惟茲四人用哲也君奭曰茲迪
彝教文王蔑德言惟此五人用常教文王以精微之德
也又曰亦惟純右秉德迪知天威乃惟時昭文王迪見
冒亦謂用知天威用見勉也冒馬本作勗云勉也說見經義述聞康誥又曰
武王惟茲四人尚迪有祿言惟茲四人尚用有祿也立
政曰迪知忱恂于九德之行亦謂用知識信于九德之
行也迪知上帝命迪知天威迪知忱恂于九德之行文

義正相近也。史記夏本紀各迪有功，作各道有功。某氏傳於諸迪字，或訓爲道，或訓爲蹈，皆於文義未協。

迪發語詞也。書般庚曰：迪高后，丕乃崇降弗祥。言高后

丕乃崇降不祥也。

上文曰高后丕乃崇降罪戾。

迪語詞耳。君奭曰：迪

惟前人允施于我，冲子立政曰：古之人迪，惟有夏兩迪字，亦是語詞。王肅注及某氏傳，或訓爲道，或訓爲蹈，亦於文義未協。

迪，句中語助也。酒誥曰：又惟殷之迪，諸臣惟王是也。某氏訓爲路，亦失之。

直

直猶特也

呂氏春秋忠廉分職二篇注並云特猶直也

但也

淮南精神篇注

禮記祭

義曰參直養者也安能爲孝乎文十一年穀梁傳曰不

言帥師而言敗何也直敗一人之辭也孟子梁惠王篇

曰直不百步耳是亦走也莊子德充符篇曰某也直後

而未往耳荀子榮辱篇曰是其爲相縣也幾直夫芻豢

之縣槽糠爾哉

幾與豎同

齊策曰衍非有怨於儀直所以爲

國者不同耳直特古同聲故詩柏舟實維我特韓詩特

作直史記叔孫通傳吾直戲耳漢書直作特

直猶特也專也晏子雜篇曰齊命使各有所主其賢者

使之賢主不肖者使之不肖主嬰最不肖故直使楚矣

直使楚特使楚也韓詩外傳曰臣里母相善婦見疑盜
肉其姑去之恨而告于里母里母曰安行今令姑呼女
卽束蘊請火去婦之家曰吾犬爭肉相殺請火治之姑
乃直使人追去婦還之言特使人追還去婦也史記留
侯世家曰良嘗閒從容步游下邳汜上今本史記漢書
汜作訖皆後人
所改劉放宋
祁已辯之有一老父衣褐至良所直墮其履汜下顧
謂良曰孺子下取履言特墮其履於橋下使良取之也
史記漢書注解直字
皆誤辯見詞書雜誌梁孝王世家曰平王襄直使人開
府取罍樽賜任王后言特使人取罍樽賜之也以上四
直字亦訓爲特而與前異義

疇 𠂔 𠂔

爾雅曰疇誰也書堯典帝曰疇咨若時登庸史記五帝

紀作誰可順此事字本作𠂔又作𠂔說文𠂔誰也

今本作𠂔

非據廣韻引改又曰𠂔詞也虞書曰帝曰𠂔咨

疇發聲也禮記檀弓曰子疇筓之夜鄭注疇發聲也筓猶前也宣二年左傳曰疇筓之羊子為政疇誰一聲之轉故疇筓之轉為誰筓互見誰字下

經傳釋詞第六